







Remonstrantie
Aen mijn Heeren
 de Staten landts van
 Hollandt:

Ghepresenteert by eenighe Dienaren der ghe-
 reformeerde Kericke tot Delff.

In de welke gheantwoort wordt op ee-
 nen brief van Dirck Cornhert aen de voorsz Sta-
 ten/ghedruct vooz een boeckhē/ghenaemt/Proeve
 des Nederlandschen Catechismi/ende wordt ver-
 socht dat hare E. den voorsz Wederspreker
 zyne beschuldigen teghen den Catechis-
 mum willen doen verantwoor-
 den / ende de Dienaers
 des Woorts daer
 op hooren.



Tot Delff,

By Albert Hendricz. Ordinarijs Dru-
 ker der Staten landts van Hollandt.

ANNO M. D. LXXXIII.

672

34

Aen den Leser.

Goetvillighe Leser, Hoevel vry niet voor hadden dese Remonstrantie in t'licht te gheuen, maer ghenoech achteden datse den H. H. Staten ghepresenteert was al in Martio laetstleden: Nochtans alsoo vry saghen dat het boecxken Cornherts vast alomme vercocht ende ghelesen vvorde, tot gheen cleyn arghernisse van veelen: Soo hebben vry niet connen laten deselue V. L. ghemeen te maecken door den druck, op dat V. L. vvat moghen hebben om teghen de valsche beschuldinghen, in den brief Cornherts vervatet, te stellen, veruachtende tot dat zijne argumenten teghē den Catechismum by de Dienaers der Kercke Christi mondelick in presentie der Ouerheyt vvederleydt vworden, ghelyck de voorsz. H. H. Staten alreede hem de vveete hebben ghedaen dat hy hem ghereet soude houden, om vvanneer hy ontboden vvorde, rekenschap te gheuen van zijne schriften die hy haeren E. ghededicteert heeft. Vaert vvel.

3

Aen mijne Edele Heeren de Staten
slands van Hollandt.

Edele / vermoghende / wijse / ghunsti-
ghe Heeren : Ghesien hebbende een boecklien/
seer onlancks van D. V. Cornhert in den
druuck ghegheuen / tot proeue ende verispin-
ghe der leere des Nederlantschē Catechismi/
twelcke hy hem niet ontsien heeft uwen E.
te dediceren : zijn wy bedacht gheweest / niet
alleen aen te wijsen hoe uwe E. op taller Christelickste ende be-
quamelickste hier inne soudē mogen remedieren / maer ooc int
bysonder te antwoorden op zijne brief / voorsz. boeck-
lien ghestelt / principalick also hy hem daerinne ouer onse per-
soonen beclaecht : Op dat uwe E. soo wel onse verantwoordin-
ghe / als den aert ende het voornemen des voorsz. Cornherts
naerder vernomen hebbende / de saecke te beter mogen beherti-
ghen / ende met ernste doen wtvoeren.

Wy bemercken hoe de voorsz. wederspreker / vreesende dat
zijn menichfuldich schrijuen teghen de leere der ghereformeer-
den kercken / en bysonder dit laetste / by uwe E. qualick ghenom-
men mocht werden / tselue arbeyt inden ooghen derseluen seer
schoon ende prijsfelyck te maecken / aenghesien hy gheacht wil
zijn niet anders te doe / als de genedie brant ende alarm roepen,
wanneer sy in een stadt een byer sien op gaen / ofte den byant de
wallen beclimmen / die men niet behoort te wandancken / maer
hooghelick te prijsen : ghelijck het oock eens oprechten vrients
werck is / het quade vrymoedelick inden ghene / wiens wel-
baren hy soecht / te berispen. Alsoo laet hy hem duncken / de-
wijle (na zijn segghen) onse kercken afghevveecken sijn vande
suyuere Apostolische leere, dat hy seer wel doet / de menschen
waerschouwende / om dooz deselue niet verleyt noch vergiftet /
noch dooz den inbal der byandē inde kercke Christi int verderf
ghebzacht te worden : twelck de Papisten t'onrecht gheweeret /
ende hare berispers Tijraunichlick mishandelt hebben. Maer
nadenmael men hem hadde mogen voorsz. werpē / dat dit de rech-
te wijse niet is / om de inbyekende dwalingen wt te weeren / dat
men terstont met openbare strijtschziften teghē een leere opent-
lick in een landt aenghenomen wtvaert / ende daermede aende
Quericheyt loopt / aenghesien men eerst de Leeraers selue be-
hoort aen te spreke : so pretendeert hy hem in desen deele behoort-
lick ghequeten te hebben / want hy de hoofden (dit zijn zijne
woorden) vanden kercke tot Delft, daer af vermaent heeft in
Augusto Anno 79. ende hemseluen aengheboden te bevvijsen,

A ij

dat

dat haer Catechismus oock inne heeft menschen leere. Welcke hoofden (seyt hy) in plaetse van bereyt te sijn om teghen yeghelic reden te gheuen van haer ghelooue, hebbē sulcx spottelijck veracht, my ghedreycht met d'Ouerheydts macht, ende my meer schamperlijck dan Christelijck tselue afgheslagen, so de onder-teeckeninghen Arnoldi ende Donteclock noch by my vvesende mogen beruyghen &c. Besluyt daeromme wel ende behoorlick van hem ghedaen te sijn / dat hy gheen ghewoont hebbende by den leeraren / de saecke niet alleen aen alle ghemeenen lantsaten, maer oock mede aen v mijn E. Heeren selue laet comen, bereyt zijnde / indien uvvē E. dit sijn schrift niet vernoecht, om het oordeel vvat op te schuyuen in dese allervvichtrichste saecke, hem breeder daer op teghen de voorstanders deses Catechismi te verclaren, teghen vvelcken Catechismus hy hem bekent partije te sijn, ende teghē allen den ghenen diese voor oprecht vvillen verantvvorden: op dat den Ghereformeerden gheē ghelooue meer en vverde ghegheuen tot verdruckinghe van alle andere Religien, maer dat sy andere neuen haer lijdē, ter tijdt de Heere self daerinne sal voorsien, &c.

Dits vast de somme van zijn Gemonstrantie en versoeck. Waer op wy eerst een cozt en waerachtich verhael doen sullen van al tgunst dat in deser saecke tot noch toe tusschen den boorsz Cozhert en ons ghehandelt is / op dat uwe E. sien moghen hoe onwaerachtich het is / daer hy ons vā beschuldicht / dat wy niet berept souden gheweest sijn redene te gheuen van onsen ghelooue. Het is dā also / dat als onse methulper Thomas van Thielt ghesonden was om vooz een tijdt te pzedicken tot Haerlem / int Jaer vijftghienhondert ende lxxvij. / de boorsz Cozhert aldaer ghesocht heeft met hem van eenige pointen der Religie te confereren / tot dien eynde hem doende ter handen stellen een seker cozt gheschrift by hem ghemaect / en onder anderen verclaren / de hem lanckmoedich / gheboochsaem / en leerghierich te willen laten vīdē by den selue van Thielt / en alle andere / om vā tghene daer hy inne mochte dolen / onderrichtet te werden. Op dit Schrift (inhoudende sekere argumenten teghen onse leere vande sichtbare Kercke Christi) is daer na by den boorsz vā Thielt een antwoorde ghesonden / met presentatie / dat hy mit gaders zijne mededienaers hem mondelingh breeder van dien artijckel wilde onderrichten / als hy tot Delft by hem comē soude. Maer Cozhert heeft cozt daer aen schriftelick wederomme int laughe ghereplireert: Waer op wy begonnen hebbende een antwoorde te stellen / eer de selue ten eynde gebzacht was / soo is hy tot Delft ghecomen / versoeckende mondelick met ons te handelen.

delen. Hoewel wy nu verclaerden dat wy te vrede waren met
 hem te spreken/ soo haest als onse begonnen antwoorde volep-
 nict/ en hem behandicht soude zijn/ belouende hem oock als
 dan dach te betreekenen: Soo hebbē wy nochtans gheerne be-
 willicht/ by soo verre het hem niet ghelegghen ware te vertoeuen
 op onse schriftelike antwoorde/ terstont tijt te stellē/ om in con-
 ferentie te treden. Welck also gheschiedt is/ en op den 24. Fe-
 bruarj anno lxxvij. onder ons gheacordeert zijnde/ op hoeda-
 niger wyse/ en van wat poineten wy handelē souden/ is des an-
 deren daechs/ ten bywesen vā ontrent tien oft twaelf personen
 ten beyden zijden/ de tsamensprekinge begonnē/ maer snamids-
 daechs op den seluen dach dooz den Procureur generael verbo-
 den daerinne voort te gaen. Eer nu Coznhert vertrack/ quam
 ons van hem een brieu vol schamperhepts/ snozkinghen en ca-
 lomnien/ niet duyterlick te verstaē gheuende/ dat dooz ons of-
 te de onse t'voorz verbodt ondersteken soude zijn: Welck ons
 beweecht heeft terstont met een Requeste (daer by voegghende
 den voorsz brieu) aen uwe E. te versoeken om continuatie en
 volvoeringhe der aengevanghene tsamensprekinghe. Waer op
 by uwe E. een openbare disputatie aengestelt zijnde/ om te ghe-
 schieden tot Leyden vooz Commissarisen/ is de selue op den 14.
 Aprilis daer aen vooz dē middach opentlick inde Academie be-
 gonnen/ ende doch sanderen daechs ten elfuren opghehouden.
 Wāt alsoo de Commissarisen niet wildē ghedooghē/ dat Coz-
 nert teghen de Commissie haer van uwe E. ghegheuen/ ooc me-
 de teghen de conditien der disputatie by hem selfs te vozen aen-
 ghenomen/ de schriften ofte namen Calumi en Bese (als oock
 andere menschelike schriften) tot deser saecke allegeren soude/
 maer gheboden hem alleen te handelen wt de H. Schriftuere/
 ende ghelijcke wapenē met ons te ghebypcken: Soo beswaer-
 de hy hem in sulcker maniere langher met ons te spreken (ghe-
 lijck hy alreede int beghinsel/ so haest als hy zijnen mondt open-
 dede/ het beuel ons ten beyden zijden ghedaen te buyten gegaen
 hadde/ ghebypckende een prolooch/ in twelcke hy quereleerde
 teghen onse personen) en is seer haestelick op den selfden mid-
 dach van Leyden na Haerlem vertrackē/ snamiddachs te ver-
 gheefs van ons verwacht zijnde/ om met hem voort te gaē/ als
 oock vanden ghenen die ghecomeen waren om de handelinghe
 aen te hoorē. Waer wt elck een lichtelick can oordeelen/ of van
 desen Wederspreker niet met recht gheseyt mach werden/ tghen-
 ne hy hem niet en schaemt ons aen te segghē/ dat hy niet bereydt
 is gheweest redene te gheue van zijn ghelooue/ aenghesiē hy soo
 schandelick de plaetse gherupuit heeft/ hoewel hem niemandt
 en laechde. Daer na in Augusto anno lxxix. heeft hy aen ons een
 brieu ghesondē/ oozsaecke nemende wt de cozte beschrijuin-
 ghe des onderschepts tusschen de Politijcke en Kerckelike be-

dieninghe / door beuel uwer E. ghemaect ende ouerghegheuen
 byden Kerchendienaren vergadert inden Haghe: in welcken
 brief na eenighe beschimpingen en calomnien hy hem aanbiedt
 te bewijzen / dat de leere in onsen Catechismo begrepen menschen
 leere is / en te wederlegghen tghene wy tot bewijs van onse sepi-
 dinghe souden weten voort te brengen / daer by verclarende
 dat hy niet meer voor Commissarisen (want van de ghene die
 ouer de Leydtsche handelinghe gheweest waren hy hem groo-
 telix beclaecht) noch oock mondelick vil handelen, maer
 metter penne, op dat het oprechtelick ghebzucht en van alle lee-
 sers gheoordeelt mocht werden. Nu seyt Cornhert hier / dat vvy
 sulcx sportelick veracht, he met d'Ouerheys macht gedreycht,
 ende meer schamerlick dan Christelick selue afgheslagen heb-
 ben. Maer wy segghen daer en teghen / ons ghedraghende tot
 alle onpartydighe Richters / dat hem doe niet anders gheant-
 woort is / dan na verdienste zijner goetdunkender verme-
 tenheyt / die hy dien gantschen brief door hadde laten blijcken.
 Ende aengaende dat wy hem ghedreycht souden hebben met
 d'Ouerheys macht / sal hem niet beuinden / maer wel ter con-
 trarie / dat hy hem heeft willen behelpen met der Ouericheyt te-
 ghens ons / segghende inden seluen brief aldus: Weygerdy uwe
 saecken te verantwoorden met de H. Schrift, ick salt moeten
 claghen d'Ouerheyt &c. Voorts soo vele zijn presentatie be-
 langht / wy bekenen die afgheslaghen te hebben / maer niet son-
 der wichtige oorsaeken / die wy uwen E. en allen verstandi-
 ghen midts desen te bedencken gheuen. Want behaluen dat tghene
 hy ons te bozen leyde / gheheel onredelick was / om met inal-
 canderen in een schriftelike handelinghe te treden / daer hy die
 schoone ghelegentheyt van selfs verlopen hadde / die hem by
 der Ouerheyt ghegunt was / om mondelick voort de gantsche
 werldt onse leere te mogen beuechten: Soo en saghen wy oock /
 alsoo handelende / gheen eynde / want het schier van noode soude
 gheweest zijn / om sulcx aen te gaen / dat wy ons vande werken
 onses Kerchendienst ontslaghen / en tot wederlegghinge zijner
 onepndeliker schriftē gheheel verledicht hadden. Dat dese on-
 se persuasie niet ijdel gheweest is / heeft de beuindinghe daer na
 ghenoechsaem mede ghebzacht. Want alsoo eenige / die in som-
 mighe poincten verstriet waren / en gheacht wilden zijn na de
 waerheyt te staen / aen ons versochten dat wy tot haer onder-
 wijsinghe met Cornhert wilde handelen / en wy de selue afloe-
 ghen: welverstaende nochtan dat ons wel te wille was met pe-
 mandt anders die sy ons mochten voortbrengen / in haer pre-
 sentie te spreken / ja bereypt zijnde op de argumenten / die sy tot be-
 wijs van hare opinien wisten voort te stellen / schriftelick tot ghe-
 meene nutticheyt te antwoorden / ten eynde dat onse voorsz wep-
 gheringhe

7
gheringhe niet gheduydet soude werden / als of wy gheen raedt
wisten tot verantwoordinghe onser leere : Soo hebben wy tot
haerluyder begheerte een seker debat en handel teghen onse lee-
re bande Erffsonde / welck sy ons leueren souden / aenghenomen
te wederlegghen / en voortz met onse handt teekeninge beloofst /
dat stuck der leere afghehandelt zijnde / te comen tot dandere /
daer inne sy ongherust waren. Als wy nu diē volgende / voortz
debat teghen de Erffsonde beantwoort hadden met een schzift
lanck zijnde xxiij. bladen / soo heeft mē ons daer op een replijc-
ke in de handt ghesteken / seuenmael grooter dan onse antwoor-
de was / van welke replijcke claer ghenoech bleeck dat Corn-
hert de autheur was / met denwelcke men ons aldus weder int
spel heeft willen bzenghen / hoe wel hy zijn naem niet en speldet :
ende schzift dat groote boeck voleynder te hebben binnen den
tijd van ses vveken , ende dat noch (dit zijn zijne woorden) in
grootte onledicheden. Noch ist gheschiedt dat ons goet dochte
enen sekeren briez / sonder naem des autheurs wtghegheuen te-
ghen de supuere leere bande Kercke Gods / te beantwoorden /
en ter oorsaecke van dien eenighe poincten / met tselue ghemeen-
schap hebbende / te verhandelen en tsaemen int licht te gheuen.
Daer op is terstont gheroemen een ghebzucte antwoorde Corn-
herts / die hem den voortz briez aentrock / welke antwoorde hy
inde voortrede schzift binne den tijd van veertzien daghe ghe-
maect te hebben / hoewelse thien quaternen lanck is / ende dat
noch (alsoo luyden zijne woorden) onder een reyse tot Hoorn
oock verscheyden groote huysfelicke onledicheden. We dese
oueruloedicheyt Cornherts int veruullen van so veel papiers /
is licht af te nemen / dat wy nimmermeer eynde hebben soude /
wanneer wy ons verbonden alle zijn dinghe te beantwoorden /
die hy ons mocht toefeynde : waeromme wy onse vryheyt hier
inne begheerden te houden. Daer nae was ons oock niet onbe-
kent / niet alleē hoe bitter ende bulderich zijne penne was : maer
insonderheyt dat hy niet rechtsinnichlick wt der Schziftuere
en handelt / maer arbeydt meest Caluinium / Besam ende ander
re authouren soo teghen ons / als teghen haer seluen strydich te
maken / seer ontrouwelick misdrypde ende stommelende hare
schziften / voortz maerkende zijne argumenten teghen ons wt
ons selfs segghen / twelcke hy dickwils of niet verstaet / of niet
verstaen en wil : dooz welcke dinghen wy niet anders dan in een
oneyndelick proces ghetrocken souden werden.
Hier wt laten wy nu uwe E. self oordeelen / met wat
reden dese mensche ons beclaghen mach / dat wy ons gheloof
ende leere niet souden hebben dozuen verantwoorden / ende
wat gheloof hy behoort te hebben inde reste / na dien hy hier-
inne beuonden wordt soo onwaerachtich te zyn. Dooz
waer /

waer/ghelijck wy hem toestaen/ dat de Leeraers in hare ampe
 bestelt zijn, om vvackerlick teghen de ketteren te strijden,
 en niet om vveeldelick te rusten in vvellusticheden des buycks,
 die in desen moepelickē state niet en zijn te halen: Alsoo sal oock
 gheen verstandighe segghen/ dat se ghestelt zijn om na den appe-
 tijt der Wedersprekeren der waerheyt/ altydts bereydt te staē /
 soo wat sy int papier cladden / met wtghegheuen boeckē te we-
 derlegghen / of altydts in nieuwe disputatien met haer te tref-
 fen: Want de Gheest Gods ghebedt hen te wijcken vanden
 ghenen die opgheblasen zijnde en onwetende/ wtsinnich zijn in
 questien/ etc. En eenen ketterischē mensche na de eerste en twee-
 de vermaninghe te vermyden: niet willende dat de Dienaers
 ofte de Gheemeenten Gods de ghewoonte van kiyuen hebben
 sullen. Want datmen hier soude willen teghen werpen/ dat wy
 hem noch niet van ketterijge ouerwonne/ noch onse leere ten vol-
 len verantwoort hebben: Daer op is de antwoorde / dat tselue
 aen ons niet en heeft ontboken / als wy hem het hooft te Lep-
 den gheboden hebben/ ghelijck wy bouē dien oock inden voozsz
 brief / nae wepgheringhe van zijn presentatie / beloeft hebben
 tot stichtinghe der Ghemeynte / zijne argumenten / die wy al-
 reede wisten en noch mochten comen te weten / te wederleggen/
 twelcke alreede eensdeels begonnen is te doen / als aen eenighe
 wtghegheuen boeckens/ en aenden handel vande Erffsonde te
 sien is/ in welck vooznemen wy dencken (soo vele onsen dienst
 lijden mach) te volherden/ten ware dat uwe G. de saecke byder
 handt nemende/ met eenighe voeghelicke en bequame middelen
 self een eynde daer van maecten/ ghelijck wy hopen dat se ter oc-
 casie van dit boeckken doen sullen. Wat hebben wy dan anders
 ghedaen / dan ons gheweyghert te verbinden alle zijn gheraes
 te beantwoorden/ dat hy mochte wtlaen? En of wy soo dwaes
 gheweest waren dat wyt aengenomen hadden / waer soude men
 ten laetsten met alle de boecken ghebleuen zijn / of wie soude se
 ghelesen hebben? Men siet dat den volcke de moeyte nau en lu-
 stet/ om een handlinerken van vijf oft zes quaternen te lesen:
 veel min lust souden se dan hebben tot soodanighe langhe schrif-
 ten. En of se de moeyte ghetroot waren / wat profijt souden se
 daer van sonderlingh hebben/ dan dat se de Sophisterien/ par-
 tijdicheyt en roemghiericheyt Coznherts souden leeren kennen /
 twelck vanden verstandighe wt zijne schriften oock sonder on-
 se antwoorde vernomen can werden?

Wy bekennen wel gheerne dat van oudts groue dwalingen
 inde Christelicke Kercke inghebzoken zijn/ en dat niet min hooch
 ghelick te prijsen is den ijuer en ghetroouwicheyt der ghenē/ die
 se bestraft en ghesocht hebben wech te nemen / als de wtsinnich-
 heyt der ghenen die teghen haer vermaners zijn opghestaen/ is
 te verfoepen. Euen gheerne belijden wy oock/ dat inde Ghere-
 formeerde

9
for meer de Kercke/soo wel valsche leere can in cruppen/alsse in
de oude Kercke in ghecropen is / ende staet ouer sulcx nu so wel
als eertydts op de leere te letten / inde welcke soo yemandt on-
supuerheyt beuint/ hy onuerbeurt deselue mach en behoort aen
te wijzen: Maer wy dozuen voor uwe E. wel betuyghen door
Godts ghenade noch niet beuonden te hebben/dat dese Weder-
spraker soude hebben bewesen inde leere onser Kercke valscheyt
of te loghen te zijne: Wy laten ons oock duncken uwen E. nu
eensdeels wt tvoorssz verhael te blycke/ dat hy de gepretendeer-
de valscheyt niet op soo Christelike en behoortlike wyse aen-
wijst / als hy wil schynen te doen. Hy wil gheacht zijn ghelyck
te wesen den ghenen die brandt of alarm roepē/ wanneer sy een
stadt in verijckel sien: maer daer is wel somtijdts een valsche
brandt of alarm roepen/waer door de mensche sonder oorsaec-
ke op de been gheholpen zijnde / een schadelicke commotie ont-
staet voor het ghemeene beste. Tis uwen E. niet onbekent / dat
de vianden der ghemeene saecke (die met een zijn viandē vande
gherefor meerde Religie) gheerne saghen/dat de oeffeninghe ha-
rer valscher Catholijcker dwalinghen weder int landt inghe-
voert wordde / immers benessens de Exercitie vande voorssz Re-
ligie / waer door de wech ghebaent mocht werden om wijder te
comen. Om daer toe te gheraecken/dunckt haer seer voor delick
te zijne/dat de voorssz Religie opt allerleelichste afgeschildert en
in een persuasie ofte achterdencken van valscheyt byde Werlde
ghebracht werde. Daeromme ghelyck sy haer niet ontsien tot
het versoeck vande oeffeninge harer Afgoderije selfs die te ghe-
brypcken / diet nochtans niet hare Afgoderije niet en houden/
maer dies niet min der Religie hier opetlick ghecoefficient vbandt
zijn/ (als uwe E. wel bekend is:) Also gheuen wy uwe E. te be-
denken of den voorssz Catholijcken hier inne niet eenē grooten
dienst ghedaen werdt / datmē de voorszgelde Religie met ghe-
bruchte boerckens als een valsche secte beuechtet. Tis wel waer
dat dese weder spraker hier wel voor gheeft / dat hy int bestrij-
den des Catechismi daer mede op siet/ dat de tedere verstanden
der ionckheyt niet verghiftet soudē vverden: maer alsment
recht byden lichte besiet/so beuindtmē zijn ooghe elders te zijn/
en dat hem aende leere soo vele niet ghelegghen en is. Want in-
dient hem daer lettēde/ soo soude hy niet so wepnich werck daer
van maecten/dat der menschen verstanden door de Papistische
leere en andere secterijen verghiftet worden. Hy schrijft oock in
een boercken onlancx van hem wtghegheuen/ dat hy stille sou- Oochwa-
de gheseten hebben met schrijuen, ten ware dat hy ghemerct ter.
hadde/ dat wy niet stille vwaren om na een nieu Pauldom ende
dwangh inde conscientiere staen: Soo ist hem dan om wat an-
ders te doen/dat namelick elcke secte de vrye oeffeninghe harer
Religie

Religie mocht hebben / gelijk hy claerlijck te kennen gheeft int
 epnde deses briefts / zijn intentie te zijn / Dat den Ministeren
 gheen gheloof meer en vverde ghegheuen tot verdruckinghe
 van alle andere Religien, maer dat sy andere neuens haer lijdē,
 tot dat de Heere self daerinne sal voorsien door sijne Enghelen.
 Waer wt oock ghenoechsaem blijft zijn meyninge te wesen / dat
 allen dien het ghelieft / openbare exercitie ghegunt behoort te
 werden / aenghesien het na zijn verstant een dwangh inde con-
 scientie zijn soude / yemandt te willen constringerē int openbaer
 zijn Religie niet te oeffenen / en also zijn licht onder de mudde te
 stolpen. Anders ware zijn raedt wel / dat de Quericheyt alle ex-
 ercitie van leere en Sacramenten den eenen soo wel als den an-
 deren verbieden soude / ghelijck hy niet langh gheleden inden
 druck ghegheuen heeft / dat dit het rechte middel ware tot min-
 deringhe der secten en partijschappen: Datmen aende hooghe
 Quericheyt oormoedelick soude verfoeckē, dat haer vvilde ge-
 lieuen by een maniere van een nieu Interim (en dit ter tijdt toe
 dat eendrachtelick besloten sal sijn, vvat leere men sal volghen)
 te verbieden allen Predicanten op den predickstoel den volcke
 yet anders te predicken, voor te lesen of te segghen, dan den cla-
 ren text der H. Schriftuere, sonder een syllabe toe ofte af te doen.
 Daer by (sept hy) mochte den volcke op een ghelstraffe ghebo-
 den vverden, alle haer boecken vande Schriftuere handelende,
 en selfs gheen loutere Schriftuere vvesende, te brenghen in han-
 den vande Ouerheyt met Inuentario, daer af men elck dubbele
 met recepisse gheuen, ende deselue boecken tot elcx nut bevvaa-
 ren soude, omme die namaels elck haer meester vveder te ghe-
 uen, ofte anders daer mede te doen, soo byde Ouerheyt nutte-
 licxt te sijn besloten soude vverden. In welcken raedt dese We-
 derspreker (die utwen E. de Salomonische wijsheyt toetwenscht
 om de rechte moeder te kennen) seer aerdich schijnt wt te druc-
 ken den aert vā die quade vrouwe en onrechte moeder / de wel-
 ke by dē Richter Salomon aenhielt / dat tot een middel vā haer
 lupder partijschap en gheschil het leuendige kindē noch haer
 noch hare partije toegewesen / maer aen twee gehouwē elck een
 stuck gegeuen soude werdē: Hierentusschē hem seluē leelick ver-
 ghetende / als hy (die den dwangh in Religions- saecken so doot
 vpandt is) selfs d'Quericheyt tot den dwangh radet: en daer hy
 in desen brief wil / datmen sal toeuen / tot dat de Heere self daer
 inne sal voorsien door sijne Enghelen met ghevvisse vvtwijdin-
 ghe vant oncruyt, in dit zijn middel de Querheyt raedt te vvoor-
 sien inde minderinghe der secten / en de menschen wil wijsmaec-
 ken

1. reg. 3. 26.

ken dat eenmael byde gheleerden de loghen door de vvaerheyt vutgheroedet, ende eendrachtelick besloren sal werden wat leere men volghen sal: Op dat wy swijghen van veele andere ongheschiedheden en zijns selfs verwerringen/by ons inde wtghhegheuen wederlegghingen zijns nieuwen Interims claerlick aenghewesen. De somme is dese: Dat het hem opt allerhoorchste verdriet / dat uwe E. de openbare oeffeninghe van alleen de ghereformeerde Religie toelaten ende handthouden in desen lande: rechts of uwe E. met zijne Excellentie die resolutie lichtueerdelick opt stuck der Religie/ oock met eedtplichtinghe ghenomen hadden / sonder twijfel lettende niet alleen op d'eere Godts (welck het principaelste is) maer oock opt ghemeene welbaren des landts/ende op de veplicheyt der inghesetenē beseluen. Soo vele ons angaet: ghelijck wy / mitgaders alle andere/ belijdenisse doende vande ghereformeerde Religie / schuldich souden zijn de patientie te nemen / ja noch den Heere voorszijn weldaedt hooghelick te dancken indien ons onder onchristeliche Quericheden maer een cleyn plaetsken neffens d'openbare exercitie van een valsche Religie ghegunt ware (want wy te vreden moesten zijn oock tot dier tijdt als wy niet dan met groote perijckelen ons leuens d' Afgoderije mochten verlaten/ende den Heere alleen by onsseluen moesten dienen.) Alsoo hebben wy nu meer oozsaechs den heplighen Naem des Heeren te prijzen / als wy sien dat door d'Querichet van Godt ghesielt/ende in zijner kennisse verlichtet / der reyne Religie alleen de plaerse openbaerlick inghegheuen is / dewijle aldus den lijche Jesu Christi meerder aenwas gheschieden can / ende de gramscap des Heeren door d'openbare licentie van het drijuen der valsche leeringhen ende Afgoderije niet out steken werdt. Daer ten is gheē wonder dat de Wederspreker de openbare oeffeninghe vande ghereformeerde Religie alleē / niet verdraghe mach: want hy oock niet mach lyden datter eenighe middelen tot bescherminghe ende voorszandt vande selue ghebruycht werden. Daeromme mishaecht hem soo seer de gheconcupieerde ordonantie van het ghebruyck des Nederlantse Catechismi alleen inden ghemeenen Scholen: daer het doch geheel onbehoorlick wesen soude dat op de gaigen vande steden ende ghemeenten een ander leere gheleert soude werden inde Schole / dan opentlick aenghenomen is inder Kercke. Voorts schryft hy hier / dat hy der Predicantē doen siet strecken om alleen in gheloouens saken ouer alle andere te ghebieden, en sich selfs Heerē te maken ouer elck mās geloof. Dat hen mishaecht de vrijheyt, dat elc man soude mogen geloouē dat hem gelieft. Waer wt hy besluyt, dat het daer henē wil, dat so ons voornemē voortgaet, niemāt yet anders

Bij sal mo-

sal moghen gheloouen dan dese nieuwe Heeren des gheloofs ghelieft. Met welken woorden hy seer bitterlick scheldet op de ghetrouwichheit der vromen Dienaren / die haer naerslicheit doen dat het Rijk Christi eenen gheluchighen aenwas mach hebben / waer toe sy niet connen comen / sonder haer te stellen teghen het regiment des Satans / en te weeren de ghene die de arme sielen afleiden vandē rechtē wech des leuens. Hier toe hebben sy ten eerste acht dat de ghene die professie der Religie ghedaen hebben / in ghesondtheit des gheloofs volherden en toemen moghen: En aenghesie soo wel de ketterijen / als d'uyterlike groue sonden der tweede Tafel / wercken des vleyschs zijn / die den mensche sluptē wt het Hemelrijk: soo stellen sy den ghenen die tot ketterije afwijcken het oordeel Godts voor / ende na verscheyden lieffelijke vermaninghen en dreyghinghen te vergheefs aen pemandt ghedaen (indie hy niet aflaat de waerheit te wederspreken) verclaert hem de Christelike Gemeente van haer ghemeenschap wtghesloten / en wt het Rijk Christi in des Satans tyrannie veruallen te zijn / gelijck wy lesen dat de Apostolische Kercke ghedaē heeft. Voorts soo waerschuwē de Dienaers int ghemeen alle menschen / haer te wachten voor valsche leere / vermanende de ghene die door valsche leeringhē verstrickt zijn / haer te begheuen tot de supuere waerheit / dewijle sy Godt in sulcke dwalinghen stekende niet behaghē connen. Die sy het volck sien veruieren / wederstaen sy / en belettense met alle behoortlike middelen / want sy anders vallen souden inde granschap des Soons Godts / die de Dienaers der kerckē bestraft de welke zijn knechtē vande valsche Leeraers laten verlepden. Wy gheuen uwen E. te bedenckē of de Dienaers des Woords sulcx doende / haer seluen Heeren vullen maken ouer elck mans gheloof. Die mach gheseyt wordē te willen heerfschen ouer het gheloof der menschen / die hem seluen de authoziteyt en het recht toeschrijft / om alles in Religie saecken te doen / en de menscherlike conscientien te binden en te ontbinden / na zijn eygen goetduncken / ghelijck vanden Paus ghedaen wort. Maer sulcx en wordt by ons niet gheuonden / aengesien wy als Dienaers vermanen en bidden / ende niet ghebieden: als Leeraers de menschen onderwijsen wat sy schuldich zijn te gheloouen of niet te gheloouen na t'inhout des beschreuen woords Godts / en niet na ons goetduncken: als regeerders en dispensiers Godts ontsupten en toesupten / binden en ontbinden / volghende de commissie ons vandē Heere achterghelaten / en niet wt eyghen gunste ende wrake. Dats verre van Heeren des gheloofs te zijn. Voorts / belanghende dat de Dienaers te kennen souden ghegheuen hebben, dat hen luyden mishaecht de vrijheyt, dat elck loude moghen gheloouen vvat hem ghelieft: Daerop bekennen

Gala. 6. 20.

1. tim. 1. 20.

Apos. 2. 20.

13
 nen wy gheerne ons gheuoelen noch te zijn / dat niet toeghela-
 ten behoort te werden te spreken en te leeren wat elck een ghe-
 lieft. Want aengaende tgheloof ende gheuoelen des gemoedts /
 dat can gheen mensche eenen anderen noch gheuen noch hinde-
 ren ofte weeren / ja niemant cant oock wetē / dan vooz soo vele
 alst hem wterlick openbaert dooz de bekentnisse / leeringe ofte
 andere wercken. Ghelijckerwijs nu het valsche gheuoelen des
 gemoedts den Heere mishaecht / en de Leeraers schuldich zijn
 de menschen neerstelick daer van te vermanen / op dat hem nie-
 mandt tot zijn verderffenisse laet duncken / dat hy gheuoelen en
 gheloouen mach wat hem ghelieft : Alsoo mis haecht den Heere
 principelick datmē die quade opinien teghē andere openbaert /
 en meest datmē deselue voozstaet / stropt en de mensche daer toe
 soect te trecken : want sulcx niet anders dan een openbare ont-
 eeringhe zijns Raems / verboeringe der eenuoudighē herten / en Ro. 16. 17.
 een schadelicke tweedzacht en arghernisse medebrenghen can.
 Dit laetste bymoedelick te moghen doe / houden wy niet vooz
 byghept / maer vooz een verderffelicke licentie / en gheuoelē dat
 soo wel de Querheden in haren dienste / als de Dienaers des
 Woordts inden hare / selue schuldich zijn met alle voeghelicke
 en Chzistelicke middelen te belettē / alsoo namelick / dat den we-
 dersprekeren ghenoechsaem ghehoort en niet den Woorde des
 Heeren ouerwonnē zijnde / beuolen werde haer stille te houden /
 en soo sp de supuere Religie niet connen toe stemmen / immers
 andere menschen in vrede laten / dien Godt de ghenade ghedaen
 heeft om de weggen der waerhept te bekennen. Dits de rechte
 middel om den oprechten Godtsdienst in goeden welstandt
 te houden / tot het welcke de Quericheden als Wethouders
 Godts ende Vassalen des Heeren Chzisti verbonden zijn : waer
 teghen het gheen wonder is datse haer soo hart stellen / die inder
 daedt niet anders dan de verstooringhe der Religie soecken /
 hoewelse inden schijne na de waerhept ende byghept der con-
 scientie gheacht willen zijn te staen. Want uwe E. moghen selfs
 oordeelen / wt wat grondt het coemt dat dese Wederspreker in
 sulcke wijze teghen de ghereformeerde Religie schrijft / datter
 nau een bladt en is / daer niet d'ene bitterhept ende schamper-
 hept oft d'andere in beuonden werdt : daer hy schrijft dat hy Oochwat.
 groeter ghebreken hier (soo veel de leere aengaet) in onsen Re- Fol. 13.
 ligie als inde Doopersche, ja inde Roomsche selue. Item / dat In een se-
 wy een landt verderffelicke opinie in onsen boesem voeden, ker schrijft.
 te weten / een dwangh der conscientie, een nieuwe tyrannie, een
 Geneefsche Inquisitie, niet een hayr beter als de Spaensche vve-
 sende : Item / Datter meer sijn die hem lief hebben dan ons lief
 is, vwant sy opentlick sien dat hy tot sijns selfs costē ende perijc- Oochwat.
 kele sijn gantsch leuen besteedt tot haerluyder ende des landts Fol. 17.
 vvel-

Het boeck
ken genaet
Synodus.

Oochwat.

vveluaren int voorstaen, ende daer reghen dat vvylynden tot des
landts costen, ende tot onsen nut, ende tot aller vromen pericule
naestich sijn int verdriuen van die lieue vrijheyt, &c. Waer toe
dient dit anders (ende meer andere dinghen die ouer al in meest
zijne boeckkens te binden sijn) dan om het volck teghē ons / als
of wy ionghe woluen en aencomende tyranen waren / te inci-
teren / en hyden seluen hatelick te maken / als die het landt sou-
den helpen op eten / en eensdeels oorsaecke sijn bande groote on-
draghelicke exactien / die van sommighen tot aenstiftinghe ha-
rer schadelicker nieuwicheden soo seer werden wtghemeten?
Waer toe dient het dat dese Wederspreker t'voorzeden jaer een
zijner boeckkens vol lasteringhē ende calomnien teghen de ghe-
reformeerde Religie in druck wtgheuende / tselue ghededicieert
heeft Allen Godtvreesenden, onpartijdighen ende rechtverstan-
dighen Ministeren der Ghereformeerde Religie (die hy elders
noet Ghedeformeert) inden Nederlanden: anders dan om twee-
dracht en scheuringhe inder Kercke aen te richten / ende de Die-
naers op te hutsen die wt weersten inde Kerckelike Censueren
teghen hare ongheregheltheden ghebruyckt / de Synoden ver-
achtē / ende hare ghetrouwe mede Dienaers wel opentlick van
tyranie en dwangh inde conscientie dozuen beschuldighen: om
alsoo de selue aen zijn zijde crijghende / ons met ons eygen volck
te moghen bestrijden? Wat is oock d'oorsaecke / waer omme hy
voorz hebbende den Catechisium te beuechtē / beghint vanden
artijckel der Veplichmakinghe en der ghehoorsaelheyt der Wet
Godts / die hy teghen den Catechisium sustineert perfectelick
van een gheloouich mensche in dit leuen onderhouden te sonnen
werden / daer hy doch wel andere artijckelen noch heeft te be-
strijden / anders dan om eenighe daer door te meer tot hem te
trecken / en de Kercke in roere te stellen? 'Tis oock eenen peghe-
liche ghenoechsaem bekent wt wat oorsake hy eerst teghen Jo-
hannem Caluim eenen doodelicken haet ghenomen heeft /
door dewelcke zijne ooghen also met partijdicheyt verdupstert
ta verblindt sijn / dat hy in deschriften desseluen autheurs schier
gheen waerheyt can sien / of hy moetse teghen zijn eygen schrif-
ten misdupden / om hem teghen hemselue strijckich te maecten.
Doch het is verre van daer / Edele ende vermoghende Hee-
ren / dat wy dit verhalen souden / om den Wederspreker / als alle
voorzere antwoorde onwaerdich zijnde / gheheel af te doeflaen /
rechts of wy onse leere mistrouwende niet dan wt bluchtē soch-
ten / en de verantwoordinghe van dien niet dozden aennemen:
Maer ter contrarie is onse ernstighe begheerte ende versoek /
dat uwe E. metten aller eersten ordē daer op stellen willen / dat
hy metten ghenen die hem sullē willen helpen teghē d'onse ghe-
hoozt mach wordē. Want de Dienaers des Woorts sijn (Goot
lof)

15
lof) die niet / welcke de noodighe ende nutte berispinghen niet
souden moghē lijden / noch de ondersoekinghe harer leere ver-
draghē (want goede alop den proefsteē niet en vzeest.) Sp soer-
ken oock niet minders dan teghen recht int hare boozghestaen
te wesen: Maer zijn wel te vrede / indien sy beuonden werden
sels gheloopen Dienaers te zijn / haer diensten te verlaten: soo
oock beuondē werdt haer Religie valsche en verboerich te zijn /
niet alleen andere Religien neffens haer te lijden / maer sels te
ghedooghen datse (ghelijck recht is) verboden werde. Maer wy
betrouwen de ghenade des Heeren toe / dat by allen vromen en
onpartydighen blycken sal / dat niet inden Catechismo maer
inden ooghen deses Wedersprekers leeliche vleckē en onsup-
uerhedē zijn: dat niet de ghereformeerde Kercke / maer dese die-
se aenvechtet / vande Apostolische leere afgheweken is / of veel
meer in deselue noyt recht ghestaen heeft / de oude ketterijen ve-
laggē ende Celestij by de Kercke Christi wt des Heeren Woordt
ghecondemneert / weder aen den dach helpt vzeughē: Dat oock
niet onse sepndinghe / maer zijn berispinghe onwettelick / onbe-
hoozlick en ongoddelick is: Coztelick / dat niet ons / maer hem
gheen gheloof meer van yemandt behoort ghegheue te werden
tot verstorzinghe der Kercke Christi / ende verdupsteringhe der
waerheyt. De Heere wille uwe G. meer ende meer verleenē den
gheest zynēr vzeese ende eens Goddelicken gheests / om de ware
Kercke Christi / ende dat Hemelsche Jerusalem (zijnde onser al-
ler rechte moeder) booz te staen / tot Gods eere / salicheyt veeler
zielen ende welbaren des Landts / Amen.

Wier G. onderdanighe Dienaers

Arnoldus Cornelij.
Reginaldus Donteclock.

2017-18-19-20



Reginaldus D. Arnoldus C.

